



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-505-5/22**
Datum: **15.11.2022.**

«Agencija za vodno područje rijeke Save» Sarajevo rješavajući po zahtjevu Investitora „NESTRO PETROL“ a.d. Banja Luka, poslovna jedinica u Bugojnu, za donošenje rješenja o vodnoj dozvoli za ispuštanjem oborinskih, onečišćenih voda u prirodni recipijent sa lokacije objekta benzinske crpke koja se nalazi u naselju Kopčići, općina Bugojno, na osnovu člana 109. stav 1. točka 13. Zakona o vodama («Službene novine Federacije BiH, broj 70/06») i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

R J E Š E N J E **o vodnoj dozvoli**

1. Daje se vodna dozvola Investitoru „NESTRO PETROL“ a.d. Banja Luka, poslovna jedinica u Bugojnu, za ispuštanjem oborinskih, onečišćenih voda u prirodni recipijent sa lokacije objekta benzinske crpke koja se nalazi u naselju Kopčići, općina Bugojno, na zemljištu označenom kao k.č. broj: 627/1, p.l.br.1102, K.O. Kopčić, što odgovara k.č.br.355/12, zk.ul.br.22, K.O.Kopčić, općina Bugojno.
2. Ova vodna dozvola se odnosi isključivo na ispuštanje oborinskih onečišćenih voda u prirodni recipijent sa lokacije objekta benzinske crpke, definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Smještaj nafte i naftnih derivata skladištiti u ukopanim dvoplašnim, čeličnim rezervoarima ukupne zapremine 180 m³ (1x60+4x30).
 - 3.3. Korisnik objekta je obavezan redovno vršiti kontrolu međuplašnog prostora rezervoara za naftne derivate, njihovo čišćenje, kao i kontrolu rada.
 - 3.4. Da korisnik predmetnog objekta, za vrijeme trajanja ove dozvole, osigura da se onečišćene vode sa saobraćajnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u gradsku kanalizaciju.
 - 3.5. Da se uspostavi i redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

- 3.4. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
- 3.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.7. Prečišćene oborinske vode moraju ostati u maksimalno dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.8. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.9. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
- 3.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.11. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućujući bilo kakvo isticanje i rasipanje opasnih i štetnih materija na tlo i u vode).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „NESTRO PETROL“ a.d. Banja Luka, poslovna jedinica u Bugojnu je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
10. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 5 (pet) godine od dana pravosnažnosti ovog rješenja.
11. Prije isteka važnosti ove dozvole Investitor „NESTRO PETROL“ a.d. Banja Luka, poslovna jedinica u Bugojnu, dužan je da zatraži izdavanje nove vodne dozvole.

Obrazloženje

Investitor „NESTRO PETROL“ a.d. Banja Luka, poslovna jedinica u Bugojnu, podnio je zahtjev za izdavanje vodne dozvole za ispuštanjem oborinskih, onečišćenih voda u prirodni recipijent za lokalitet na kome je izgrađena benzinska crpka s pratećim sadržajima u naselju Kopčići, općina Bugojno, na zemljištu označenom kao k.č. broj: 627/1, p.l.br.1102, K.O. Kopčić, što odgovara k.č.br.355/12, zk.ul.br.22, K.O.Kopčić, općina Bugojno.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji br. 057-0-Reg-17-000742 od 20.04.2017. izdana od Okružnog privrednog suda Banja Luka.
- Ovjerena kopija Uvjerenja o ID broju od 20.07.2022.godine, izdanog od Ministarstva financije –poreska uprava Banja Luka.
- Građevinska dozvola za građenje i adaptaciju benzinske crpke br: 04/6-23-4-1038/04 od 28.06.2004.god, izdanog od strane Službe za privredu, financije i inspekcijски nadzor, općine Bugojno.
- Rješenje o okolišnoj dozvoli br:05-23-01080-10 od 12.02.2013.god.izdana od Službe za urbanizam, građenje, geodetsko-katastarske i imovinsko pravne poslove, općine Bugojno.
- Glavni projekt „Glavni projekt vanjskog uređenja, vanjskih i unutarnjih instalacija vodovoda i kanalizacije“ izrađen od strane poduzeća „S&P“ d.o.o. Travnik.
- Izvještaj o ispitivanju kvaliteta tehnoloških otpadnih voda izrađen od „TOM“ d.o.o. Lukavac br.1/1 od 9/2022..
- Ugovor o čišćenju i održavanju separatora i septičke jame sklopljen s poduzećem „DELTA PETROL“ d.o.o. Kakanj od 11.11.2013..
- Potvrda kojom se potvrđuje da je vodoopskrba s gradskog vodovoda izdana od JKP „Vodovod i kanalizacija“ d.o.o. Bugojno.
- Ugovor o kupoprodaji nepokretnosti i opreme između Zovko Dragan i „OPTIMA Grupa“ d.o.o. Banja Luka br OPU br.503/09..
- Ugovor o zakupu između PETROL A.D. Banja Luka i „ OPTIMA Grupa“ d.o.o. Banja Luka br:95-1111-023-1/10 od 01.03.2010.god..
- Dokaz o uplaćenju administrativnoj taksi i zaključku o posebnim troškovima.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-505-4/22 od 14.11.2022. na kome je konstatirano sljedeće:

Objekat benzinske pumpe sa pratećim sadržajima je izgrađen u naselju Kopčić bb, općina Bugojno, na zemljištu označenom kao k.č. broj: 627/1, p.l.br.1102, K.O. Kopčić, što odgovara k.č.br.355/12, zk.ul.br.22, K.O.Kopčić, općina Bugojno.

Objekt benzinske crpke se sastoji od prodajnog objekta, uredskog prostora, kafe prostora sa sanitarnim čvorovima, nadstrešnice sa automatima za istakanje goriva, podzemnih, dvoplašnih spremnika za skladištenje goriva i separatora masti i ulja sa sustavom odvodnje sa manipulativnih površina.

Zauljene oborinske vode sa radnih, prometnih i manipulativnih površina se sistemom uličnih slivnika i kanalizacionih cijevi prikupljaju i odvođe do tipskog separatora ulja i masti. Preliv iz separatora je u gradsku kanalizaciju.

Radne, prometne i manipulativne površine su završno obrađene asfaltom odnosno betonom, sa padovima prema slivnicima.

Vodoopskrba je sa gradske vodovodne mreže.

Smještaj goriva se vrši u ukopanim čeličnim dvoplašnim spremnicima ukupnog kapaciteta 180 m³ (1x60+4x30 m³).

Čišćenje i održavanje separatora ulja regulirano je ugovorom s poduzećem „DELTA PETROL“ d.o.o. Kakanj.

Ispitivanje kvalitete otpadnih voda vrši poduzeće „TOM“ d.o.o. Lukavac i izvještaj br.1/1 od 9/2022., ukazuje da svi parametri prečišćene vode iz separatora ulja i masti, na kontrolnom šahtu, u granicama propisanih važećom uredbom.

Objekt se ne nalazi u vodnom dobru.

Na osnovu očitovanja Službe za prikupljanje prihoda od vodnih naknada konstatirano je da podnosilac zahtjeva Investitora „NESTRO PETROL“ a.d. Banja Luka, poslovna jedinica Bugojno, redovno izmiruje svoje obaveze uplate po osnovi posebnih vodnih naknada što su dokazali Izvještajem o obračunu broja EBS za mjesec 10/22 i dokazom o uplati.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatira se da je podnosilac zahtjeva „NESTRO PETROL“ a.d. Banja Luka, poslovna jedinica u Bugojnu, ispunio minimum uvjeta za izdavanje vodne dozvole za ispuštanje oborinskih onečišćenih voda sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac Sektora za izdavanje vodnih akata



Haris Ališehović, dipl. ing.grad

Dostaviti:

- „NESTRO PETROL“ a.d. Banja Luka, Kralja Petra I Karađorđevića 83 A, B.Luka
- AVP, ISV – Vodna knjiga
- Sektor 50.
- Sektor 40, arhiva
- Oglasna ploča-AVP Sava